

T 5240/7160(3)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

楚辭卷二

古樵李陸時雍疏

九章

陸時雍敘曰九章章之也。纓蘭自姿無諛美人。離騷已既章之矣。而惜誦諸篇。抑何諄諄然者。當是時去九年而不復其所。呻詠當不止此矣。譬彼行邁。將蹶於海。而狂言號之。蓀龔弗聞。何哉。朱晦翁曰。董子有言。為人君者。不可以不知。春秋前有讒而不見。後有賊而不知。嗚呼。豈獨

季思誌曰。晦翁此言是經術論是持世語。

哈佛大學漢和圖書館藏印

張煥如曰九章極纏綿之致

春秋也哉吁豈獨春秋也哉

惜誦以致愍兮發憤以抒情所非忠而言之兮指蒼

天以為正令五帝以折中兮戒六神與嚮服俾山川

以備御兮命咎繇使聽直

行上與反正叶音征令音零

陸時雍曰此誓詞也人不可告而正之天則情窮

而無所之矣斯拳拳不能自已之衷也五帝五方

之帝六神日月星水旱四時寒暑之神也嚮對也

服服其罪也御侍也聽直聽而曲直之也

竭忠誠以事君兮反離羣而贅疣忘儼媚以背衆兮

待明君其知之言與行其可迹兮情與貌其不變故

相臣莫若君兮所以證之不遠

疣叶於其反儼許緣反背音佩

陸時雍曰人固有日相與而日不知者我以爲忠

彼以爲佞此孝子所以無慈父而忠臣所以無察

主也或彼此之不同量或始信而終疑或讒人而

間生或愛深而望至所由非一端矣儼輕捷貌

吾誼先君而後身兮羌衆人之所仇也專惟君而無

他兮又衆兆之所讐也壹心而不豫兮羌不可保也

疾親君而無他兮有招禍之道也

張煥如曰不憚君不誹衆鬱鬱忠悃嗚咽自鳴誠千古善言人也

陸時雍曰人臣得罪於君猶可言也得罪於左右不可道也左右能移君心而用君之意者也百親君未必見忠而一得罪於左右則禍立至此離騷所以嫉黨人也

思君其莫我忠兮忽忘身之賤貧事君而不貳兮迷不知寵之門忠何辜以遇罰兮亦非余之所志也行不羣以顛越兮又衆兆之所哈也紛逢尤以離謗兮謗不可釋也情沉抑而不達兮又蔽而莫之白也

音之哈呼不反叶呼其反白叶音弼

陸時雍曰作忠造罪違衆取哈此干載一大不平事故九章細繹此意以明騷也楚人謂相啁笑曰

哈

心鬱邑余侘傺兮又莫察余之中情固煩言不可結而詒兮願陳志而無路退靜默而莫余知兮進號呼又莫余聞申侘傺之煩惑兮中悶瞀之怵怵

中情一作善惡

詒音怡瞀音茂怵叶從昆反

舊註解佩纒以結言兮又言不可結而詒疑古者以言寄意於人必以物結而致之如結繩之類

昔余夢登天兮，竟中道而無杭。吾使厲神占之兮，曰：有志極而無旁，終危獨以離異。今日君可思而不可恃，故衆口其鑠金兮，初若是而逢殆。

殆叶徒
係反

陸時雍曰：人心多變，況於君臣可思者。臣子之心也，不可恃者。君父之意也。杭，通作航，方兩舟而並濟也。厲，神古有泰厲、公厲、族厲之屬，謂死而無後者。

懲熱羹而吹整兮，何不變此志也。欲釋階而登天兮，猶有曩之態也。衆駭遽以離心兮，又何以爲此伴也。

同極而異路兮，又何以爲此援也。

態叶音替
援于願反

陸時雍曰：懲羹吹整，則見月而喘，畏有餘地矣。釋階登天，則絕迹而行，計有餘喪矣。登天何難，釋階何愚，則孤忠特達，何若是之疎也。屈原深於怨，故多自悔，自艾之詞，而無嗷嗷於人之意，所以感動人心者至矣。極路所至之處也。

晉申生之孝子兮，父信讒而不好行。嬖直而不豫兮，鮪功用而不就。吾聞作忠以造怨兮，忽謂之過言。九折臂而成醫兮，吾至今乃知其信然。

好叶呼鬪
反嬖音倅

陸時雍曰九折臂而成醫將忠不可為耶奈何卒
從彭咸之所居也申生晉獻公之太子也其母夫
人死驪姬有寵於公而將害太子謂太子曰余夢
夫人必祭之太子祭致胙於公驪置毒焉試之夫
犬斃與小臣小臣亦斃姬泣曰賊由太子太子再
拜遂自經也世號為恭世子鮫事見天問

增弋機而在上兮尉羅張而在下設張辟以娛君兮
願側身而無所欲儻侗以干祭兮恐重患而離尤欲
高飛而遠集兮君罔謂女何之欲橫奔而失路兮蓋

堅志而不忍背膺腓以交痛兮心鬱結而紆軫

增則
僧反

尉音尉下叶音戶辟毗亦
反僧知然反重儲用反

舊詁增繳射鳥短矢也弋繳射也機張機以待發
也尉羅掩鳥網也辟開也與闢同或云弩背也儻
侗不進貌干祭謂求住也腓中分也膺背中分痛
不可言也

陸時雍曰機網之密舉動絀之詩云萋兮斐兮成
是貝錦彼讒人者亦已太甚此伯奇所以流離萋
弘所以血碧也張辟娛君害忠良以快君心君臣

相、娛、賢、者、受、僇、其、言、抑、何、慘、耶、進、退、之、難、無、一、而、
可、當、是、時、使、原、優、游、沅、湘、可、以、澤、畔、老、矣、而、多、設、
艱、難、以、自、愁、苦、者、則、心、有、所、繫、每、摧、迫、而、不、自、安、
也。

擣木蘭以矯蕙兮繫申椒以為糧播江離與滋菊兮

願春日以為糗芳恐情質之不信兮故重著以自明

橋茲媚以私處兮願曾思而遠身質音致橋居表反會音增明叶音芒

身叶音商

舊詁擣春也矯祿也繫精細米也糗乾飯屑也質

猶交質之質橋舉也媚謂所愛之道也曾思慮害

遠身避患

陸時雍曰春日糗芳備以需時曾思遠身哲士之

所能忠臣之所不暇為者也

右惜誦

陸時雍曰此篇深病黨人發明禍本

余幼好此奇服兮年既老而不衰帶長鈇之陸離兮

冠切雲之崔嵬被明月兮佩寶璐世溷濁而莫余知

兮吾方高駝而不顧駕青虬兮驂白螭吾與重華遊

孫鑣曰是離

騷餘韻而微

較清微

張煥如巨語

意簡掉誦之

兮、瑤、之、圃、登、崑、崙、兮、食、玉、英、吾、與、天、地、兮、比、壽、與、日、月、兮、齊、光、哀、南、夷、之、莫、吾、知、兮、且、余、將、濟、乎、江、湘、

叶 螭

丑歌反英 叶于姜反

陸時雍曰：鍊劍把切雲，言其高耳。朱晦翁以為冠

名，恐未必崑崙至高，玉英至潔，天地比壽，日月齊

光，所謂卓然高遠，不與俗同者也。南夷，謂楚

乘鄂渚而反顧兮，欵秋冬之緒風。步余馬兮，山皋邸

余車兮，方林棗。舫船余上沅兮，齊吳榜而擊汰。船容

與而不進兮，淹回水而凝滯。朝發枉渚兮，夕宿辰陽。

荷余心之端直兮，雖辟遠其何傷。入澗浦余憊，偲兮

迷不知吾所如。深林杳以冥冥兮，乃援狄之所居。山

峻高以蔽日兮，下幽晦以多雨。霰雪紛其無垠兮，雲

霏霏其承宇。

欵音哀風，叶乎金反。舫音零，上時掌反。榜此孟反，又音榜。汰音泰，滯叶五介反。

階一作渚，辟解同。澗徐呂反。偲一作邐，迴狄余救反。垠音銀。

舊註：鄂渚地名，今鄂州也。欵，歎聲，即至也。一作低

方，林地名。舫，船之有窻牖者，或曰小船也。榜，櫂也。

汰，水波也。船不進而凝滯，亦戀故都也。枉渚，辰陽

皆地名。水經云：沅水東至辰陽縣東南，合辰水沅

水又東歷小灣謂之枉階激浦亦地名霰雨凍如珠將爲雪者也宇室簷也

哀吾生之無樂兮幽獨處乎山中吾不能變心以從俗兮固將愁苦而終窮接輿髡首兮桑扈羸行忠不必用兮賢不必以伍子逢殃兮比干菹醢與前世而皆然兮吾又何怨乎今之人余將董道而不豫兮固將重昏而終身

醢叶呼彼反

舊註接輿被髮佯狂後乃自髡桑扈羸行疑卽子桑伯子家語所謂不衣冠而處者也子胥相吳諫

吳王夫差令其伐越不聽被殺盛以鷗夷而浮之

江

亂曰鸞鳥鳳凰日以遠兮燕雀烏鵲巢堂壇兮露申辛夷死林薄兮腥臊並御芳不得薄兮陰陽易位時不當兮懷信侘傺忽乎吾將行兮

壇式衍反得薄之薄音博

舊註露申未詳

右涉江

舊註此篇多以余吾並稱詳其文意余平而吾倨也

陸時雍曰涉江山水生愁雲物增慨此便是後來詩賦之祖

皇天之不純命兮何百姓之震愆民離散而相失兮方仲春而東遷去故鄉而就遠兮遵江夏以流亡出國門而軫懷兮甲之鼃吾以行發郢都而去閭兮怊荒忽其焉極楫齊揚以容與兮哀見君而不再得望長楸而太息兮涕淫淫其若霰過夏首而西浮兮顧龍門而不見齊一作空

陸時雍曰稱百姓稱民者皆哀籲於天而自呼之

詞仲春東遷感其候也甲之鼃以行猶憶其時也

郢都在漢南郡江陵縣閭里門也容與猶從容楫

從容順流而下豈知人心多絀結而不解乎楸梓

也望長楸而太息蓋存故也故人不見故物猶足

繫思顧龍門而不見則景沉物改無一之可即矣

夏首夏水口也浮榜不進而自流之意龍門楚都

南關二門一名龍門一名脩門蓋善思者無所撫

寄則不勝湮沒之悲有物怳臨又無限弔憑之感

憂來無方人莫之知其騷人之謂與

心嬋媛而傷懷兮。眇不知其所蹠。順風波而流從兮。馬洋洋而爲客。凌陽侯之汜濫兮。忽翱翔之焉薄。心絳結而不解兮。思蹇產而不釋。將運舟而下浮兮。上洞庭而下江去。終古之所居兮。今逍遙而來東。羌靈寃之欲歸兮。何須臾而忘返。背夏浦而西思兮。哀故都之日遠。登大墳以遠望兮。聊以舒吾憂心。哀州土之平樂兮。悲江介之遺風。當陵陽之焉至今。森南渡之焉如。曾不知夏之爲丘兮。孰兩東門之可無。

叶音拍絳音畫江叶音工上時掌反風叶孚金反

蹠音

舊註蹠踐也背夏浦而西思時未過夏浦故背之而西向思郢也水中高者曰墳望望郢都也森澗漾無涯貌於是始南渡大江矣夏大屋也丘荒墟也兩東門郢城東關二門懷王二十一年秦拔郢而楚徙陳不知在此後幾年也

陸時雍曰伏義六佐金提主化俗鳥明主建福視獸主災惡紀通爲中職仲起主海陸陽侯主江海故云陽侯之波朱晦翁謂陽國之侯意坊記所稱殺繆侯而竊其夫人者歟而非也陵陽楚地卞和

氏封為陵陽侯即此

心不怡之長久兮憂與憂其相接惟郢路之遼遠兮
江與夏之不可涉忽若去不信兮至今九年而不復
慘鬱鬱而不通兮蹇侘傺而含感

感叶子
六反

舊詁考原初被放在懷王十六年至十八年復召
用之三十年秦約懷王與會原諫止之不從遂死
於秦頃襄王立復放之不知的在何年也

陸時雍曰故都日遠去路日長故曰惟郢路之遼
遠兮江與夏之不可涉蓋心欲去而不能身欲行

而無力也

外承歡之沟約兮謹荏弱而難持忠湛湛而願進兮
如被離而鄣之彼堯舜之抗行兮瞭杳杳其薄天眾
讒人之嫉妬兮被以不慈之偽名憎愠愉之修美兮
好夫人之忼慨眾踈蹠而日進兮美超遠而愈邁

音沟

綽諶市林反荏音稔湛徒感反被離之被作披鄣音
章際音了天叶鐵因反愠紆粉反愉力允反忼苦郎
反慨叶苦蓋
反踈思葉反

舊詁沟約即綽約謹誠也荏亦弱也湛湛深沉貌
被離眾盛貌愠蘊積也愉有所思而欲明之意踈

蹠行貌

陸時雍曰小人饒有媚骨故多汙約可喜其承歡也常在意旨色笑之間寢處便安之際多飾情態傾動君心誠令人心意軟弱而難自主也慍愉心有所念而不敢自明之意忼慨激昂抗厲也君子忠君愛國其嘉謀密計不敢輕以告人小人飾詐翹名托為忼慨常有囂然欲動悍然難下之意君心不明深厚持重者見謂無味而吐棄儂便矯捷者以為得意而相親所以佞日進而忠日遠也

後漢書曰三
言作絕命
詞矣

亂曰曼余日以流觀兮冀壹反之何時鳥飛返故鄉兮狐死必首丘信非吾罪而棄逐兮何日夜而忘之舊註曼遠意首丘以首枕丘而死不忘所自生也

右哀郢

心鬱鬱之憂思兮獨永歎乎增傷思蹇產之不釋兮曼遭夜之方長悲秋風之動容兮何四極之浮浮數惟蓀之多怒兮傷余心之悒悒蓀音孫
悒音憂

陸時雍曰秋風一生草木變色時天道反常萬物皆搖落而不着矣然則惟蓀多怒芳草寧有自固

之情乎此心之所以愁也。悒悒愁貌。

願遙赴而橫奔兮。覽民尤以自鎮。結微情以陳詞兮。

矯以遺夫。美人昔君與我成言兮。曰黃昏以為期。羌

中道而回畔兮。反既有此他志。憍吾以其美好兮。覽

余以其修姱。與余言而不信兮。蓋為余而造怒。

孫鑷曰。惋語。鎮音珍遺。去聲。志叶音之。憍與驕同。姱叶音戶。

陸時雍曰。民尤謂民之得過者。民之得過常以忠

而致疑。以愛而取怒。願遙赴而橫奔。逕自進於君

也。覽民尤之故。則畏而終自止矣。結微情以遺之。

庶幾君心之一悟乎。矯舉也。憍矜也。君既有此他

志。則與余有相勝之思。相陵之意焉。故憍吾以其

美好。覽余以其修姱。蓋嫉余之眾芳而為是舉也。

滿堂兮。美人言笑宴兮。惜惜心目。余兮。嶙峋乃知

君本無怒。為余造也。敵余惟恐其不勝。去余惟恐

其不力。奈黃昏之期。而一至此乎。

願承間而自察兮。心震悼而不敢悲。夷猶而冀進兮。

心怛傷之愴愴。茲歷情以陳辭兮。蓀詳聾而不聞。固

切人之不媚兮。眾果以我為患。

憍叶徒敢反。詳與伴同。患叶胡門反。

孫鑷曰。惋語。

陸時雍曰察白也。愴愴猶漠漠。心之百計一無所
之。故常漠漠。切人不媚。與世何害。而衆以爲患者。
則以一人正襟而四坐。不得狂語。故也。

初吾所陳之耿著。今豈不至今。其庸亡何獨樂斯之。
蹇蹇兮願蓀美之。可完望三五以爲像。兮指彭咸以
爲儀。夫何極而不至兮。故遠聞而難虧。善不由外來
兮。名不可以虛作。孰無施而有報兮。孰不實而有獲。

又曰寡語

完叶胡光反。施始
或反。實當作殖。

陸時雍曰耿明也。庸亡何庸亡也。修行則名章任

賢則國昌。然忍痛可以彈疽。屈心可以爲治。農非
好勞。冀有獲也。君臣嬉嬉不亡。有幾。

少歌曰與美人之抽思兮。并日夜而無正。憍吾以其
美好兮。傲朕辭而不聽。

陸時雍曰少歌樂章。音節之名并合也。日夜不分
何時而旦。將孰從而正之。

倡曰有鳥自南兮。來集漢北。好姱佳麗兮。辟獨處此。
異域旣惇。獨而不羣兮。又無良媒在其側。道卓遠而
日忘兮。願自申而不得望北山。而流涕兮。臨流水而

太息倡讀唱惇渠營反側
叶莊力反卓一作連

舊詁倡歌之音節所謂發歌句者也屈原生於夔
峽而仕於鄢郢是自南而集於北也

望孟夏之短夜兮何晦明之若歲惟郢路之遼遠兮
覓一夕而九逝曾不知路之曲直兮南指月與列星
願徑逝而不得兮覓識路之營營何靈覓之信直兮
人之心不與吾心同理弱而媒不通兮尚不知余之
從容

陸時雍曰營覓識路形莫與俱指月列星其不違

假寐也久矣九年不復何須臾之忘反乎從容安
意自如之意

亂曰長瀨湍流沂江潭兮狂顧南行聊以娛心兮軫
石歲嵬蹇吾願兮超回志度行隱進兮低徊夷猶宿
北姑兮煩冤啓容實沛徂兮愁歎苦神靈遙思兮路
遠處幽又無行媒兮道思作頌聊以自救兮憂心不
遂斯言誰告兮潭叶音尋歲音隈嵬吾回反願進音
叶或願叶魚靳反或進叶薦告叶垢

陸時雍曰瀨水淺處湍急流也逆流而上曰沂狂
顧左右疾視也軫方也軫石歲嵬志願似之超回

超越邪曲也行隱進者獨寢獨行不皎皎以示人
也替容替亂之容道思且行且思也救解也

右抽思

陸時雍曰此篇凡三致意於良媒矣

滔滔孟夏兮草木莽莽傷懷永哀兮汨徂南土
眴兮。寃屈而自抑。莽音姆眴與瞬同
離音麗鞠叶音給

舊註汨行貌南土泝沅湘也眴目數搖動之貌杳

杳深冥意紆詰曲也軫痛也離遭也鞠窮也撫循

也效猶覈也

陸時雍曰抑按止之也寃屈不自抑則有暴怒之

情誹訕之言矣

剗方以為園兮常度未替易初本迪兮君子所鄙章

畫志墨兮前圖未改內厚質正兮大人所賊巧倖不

斲兮孰察其揆正玄文處幽兮矇眴謂之不章離婁

微睇兮替以為無明剗五官反改叶音既內作訥厚一作直賊史作盛倖音垂

陸時雍曰剗圓削也替廢也剗方為園而常度未

替所謂性有純而不可為也迪道也章明畫界限

也猶是非畫然之畫志墨志意繩墨也所賊所盛
美也。惟舜時工正無睨曰瞽有睨不明曰矇世不
能用君子不知自咎而反誚君子之無能則可笑
莫甚於此

變白以爲黑兮倒上以爲下鳳凰在笈兮雞鶩翔舞
同糒玉石兮一概而相量夫惟黨人之鄙固兮羌不

知余之所臧

笈音奴鶩音
木糒女救反

陸時雍曰玉石而糒則無貴賤之可言矣君子小
人而混則無賢愚之可顯矣笈籠也概平斗斛木

也

任重載盛兮陷滯而不濟懷瑾握瑜兮窮不知所示
邑犬羣吠兮吠所怪也非俊疑傑兮固庸態也

瑾音
僅

陸時雍曰小人嗷嗷視君子以爲固然。迨見效則
甚駭矣。惟懷而不試。遂爲衆兆之所哈也。在衣爲
懷。在手爲握。瑾瑜美玉也。非毀也。智過千人謂俊
一人謂傑。庸廝賤人也。

文質疏內兮衆不知余之異采材朴委積兮莫知余
之所有重仁襲義兮謹厚以爲豐重華不可選兮孰

知余之從容

疏史作疎內音訥采叶此禮反有叶于彼反重平聲選當作選與迕同

舊詰文質文不艷也疏濶略也材木之中用者朴

未斲之質也選遇也從容舉動自得之意

古固有不並兮豈知其故也湯禹久遠兮邈不可慕

也懲違改忿兮抑心而自強離慙而不遷兮願志之

有像

朱本故上有何字邈下有而字故慕二韻下皆無也字強叶其兩反

舊詰有像言可為法則

進路北次兮日昧昧其將暮舒憂娛哀兮限之以大

故

舊詰言將北歸郢都而日暮不前欲舒憂娛哀而

死期將至也

亂曰浩浩沅湘分流汨兮脩路幽蔽道遠忽兮懷質

抱情獨無匹兮伯樂既沒驥焉程兮民生稟命各有

所錯兮定心廣志余何畏懼兮增傷爰哀永歎喟兮

世溷濁莫我知人心不可謂兮知死不可讓願勿愛

兮明告君子吾將以為類兮

此段悉從朱本汨音骨水流聲又音鶻涌波也

匹當作正曾音增愛叶於既反

右懷沙

陸時雍曰懷沙情窮語迫太史公獨載此篇以卒原志也

思美人兮擘涕而竚。眇媒絕路阻兮言不可結。而詒蹇蹇之煩冤兮。陷滯而不發。申旦以舒中情兮。志沉菀而莫達。願寄言於浮雲兮。遇豐隆而不將。因歸鳥而致辭兮。羌迅高而難當。昔高辛之靈辰兮。遭玄鳥而致詒。欲變節以從俗兮。媿易初而屈志。

詒叶音異菀音鬱辰音盛

竚直呂反眇丑吏反

陸時雍曰申旦達旦也是非不明夢夢長夜是以

有申旦之思。媒絕路阻。菀抑莫通。是以有浮雲之想。竚久立也。眇直視也。菀積也。玄鳥致詒。因上言歸鳥難當而感及之也。

獨歷年而離愍兮。羌馮心猶未化。寧隱閔而壽考兮。何變易之可為。知前轍之不遂兮。未改此度。車既覆而馬顛兮。蹇獨懷此異路。勒騏驥而更駕兮。造父為我操之。遷逡次而勿驅兮。聊假日以須。肯指嶓冢之西隈兮。與纁黃以為期。

馮音憑化叶音媯更音庚造七到反嶓音波纁音熏

陸時雍曰直道易蹶所以車覆馬顛勒騏驥以更

駕亦無他途之可出也。假日須時，庶其一遇。纁黃
 為期，死而後已耳。馮憤懣也。隱閔壽考憂愁以終
 身也。造父善御，周穆王時人操執轡也。遂次遂，北
 也。纁，淺絳色；纁黃，日將入色也。嶓冢在隴西氏道
 縣，漢中記曰：嶓冢以東水皆東流，嶓冢以西水皆
 西流。漢水出武都氏道縣漾山，為漾水。禹貢導漾
 東流為漢是也。嶓冢北即終南華熊諸峰，南即蜀
 東諸峰，或謂蜀東諸峰皆嶓冢，謂其岡嶺綿亘耳。
 開春發歲，今白日出之悠悠，吾將蕩志而愉樂。今遵

江夏以娛憂，擗大薄之芳蒞。今塞長洲之宿莽，惜吾
 不及古之人。今吾誰與玩此芳草。
莽叶莫古反
草叶七古反

陸時雍曰：將欲蕩志娛憂，適覽物興思而更傷其
 懷抱。

解篇薄與雜菜，今備以為交佩。佩繽紛以繚轉，今遂
 萎絕而離異。吾且儵侗以娛憂，今觀南人之變態，竊
 快在其中。心兮揚厥憑而不埃，芳與澤其雜糅，今羌

芳華自中出。
篇音匾，繚音了，萎於危
反態叶替出叶尺遂反
 舊註篇篇蓄也，似小梨赤莖節好，生道傍薄叢也。

交佩左右佩也。蕭蓄雜菜皆非芳草，故解去之，而以所備之蘭茝爲左右佩也。

陸時雍曰：憑滿也。芳芬滿內外，揚不能復，埃欲掩之而不得也。此亦抑苑中語，而後世遂以爲露材。揚已嘗觀古昔聖賢當窮困之時，不嫌自命，所以警世之聾聵者，而必欲使之貶損，韜晦自同愚賤。抑又非其情矣。

紛郁郁其遠烝兮，滿內而外揚。情與質信可保兮，羌居蔽而聞章。令薜荔以爲理兮，憚舉趾而緣木。因美

蓉以爲媒兮，憚褰裳而濡足。登高吾不說兮，入下吾

不能固朕形之不服兮，然容與而狐疑。褰起 虔反

陸時雍曰：烝，進也。緣木，自煩濡足。自汗，褰裳舉趾。其情有難於自出者，寧偃蹇而不忍爲也。彼求人者，獨無自愛之情乎。

廣遂前畫兮，未改此度也。命則處幽，吾將罷兮。願及白日之未暮也，獨煢煢而南行兮。思彭咸之故也。

右思美人

惜往日之曾信兮，受命詔以昭時。奉先功以照下兮，

明法度之嫌疑國富強而法立兮屬貞臣而日嫉秘
 密事之載心兮雖過失猶弗治心純麗而不泄兮遭
 讒人而嫉之君含怒以待臣兮不清激其然否蔽晦
 君之聰明兮虛惑誤又以欺弗參驗以考實兮遠遷
 臣而弗思信讒諛之溷濁兮賊氣志而過之

治平聲
否音非

陸時雍曰按史記懷王使屈平造為憲令屬草藁
 未定上官大夫見而欲奪之屈平不與因讒之曰
 王使屈平為令眾莫不知每一令出平伐其功曰
 非我莫能為也王怒而疏屈平當是時懷王既入

上官大夫之讒而平不能婉以自白意平之為人
 朴忠而寡智者也秘密事之載心雖過失猶弗治
 則信心略迹闇主所弗諒矣又曰鮌婞直以亡身
 雖功用而不就則憤悼而過喻者與昭時昭明四
 時之政治也過之督過之也

何貞臣之無辜兮被讒謗而見尤慙光景之誠信兮
 身幽隱而備之臨沅湘之玄淵兮遂自忍而沉流卒
 沒身而絕名兮惜靡君之不昭君無度而弗察兮使
 芳草為藪幽焉舒情而抽信兮恬死亡而不聊獨鄣

李挺曰此語
鼎題日月

離而蔽隱兮使貞臣而無由

離古壅字聊叶音雷郭音章

陸時雍曰屈原過非已作而慙見光景憤忠信之

不昭也身處幽隱而不敢不為之備懼鬼神之見

謂也身死名滅而惜靡君之不昭忠愛之無已也

萬象昭昭我獨點汶對之所以慙耳記曰無節於

內者其察物弗省矣王逸所謂上無檢押以知下

也蘭萎於澤謂之藪幽聊苟且也謂苟且以求生

也

聞百里之為虜兮伊尹烹於庖厨呂望屠於朝歌兮

寧戚歌而飯牛不逢湯武與桓繆兮世孰云而知之

吳信讒而弗味兮子胥死而後憂介子忠而立枯兮

文君寤而追求封介山而為之禁兮報大德之優游

思久故之親身兮因縞素而哭之

厨叶音稠之叶啜尤反

舊註晉獻公虜虞君與其大夫百里奚以百里奚

為秦繆公夫人媵百里奚亡走宛楚鄙人執之繆

公聞其賢以五羊皮贖之釋其囚與語國事大悅

授以政號曰五殺大夫伊尹寧戚事見離騷天問

子胥事見涉江晉文公為公子時遭驪姬之譖出

張虛如曰誦
而帶佩

奔介子推從行道乏食子推割股肉以食文公文
 公得國賞從行者不及子推子推入綿上山中文
 公寤而求之子推不出文公因燒其山子推抱樹
 自焚而死遂封原上之田號曰介田禁民樵採使
 奉子推祭祀以報其德又縞素而哭之親身謂割
 股也

或忠信而死節兮或訑謾而不疑弗省察而按實兮
 聽讒人之虛辭芳與澤其雜糅兮孰申旦而別之何
 芳草之蚤歿兮微霜降而下戒諒聰不明而蔽靡兮

使讒諛而日得自前世之嫉賢兮謂蕙若其不可佩

如佳冶之芬芳兮蓼母姣而自好雖有西施之美容

兮讒妒入以自代願陳情以白行兮得罪過之不意

情冤見之日明兮如列宿之錯置訑音移謾謾官反
戒叶居得反佩叶

音蓼蓼音謨好叶虛
既反代叶徒計反

舊詁若杜若蓼母黃帝妻貌甚醜列宿錯置言較

著明白也

乘騏驥以馳騁兮無轡銜而自載乘汜淝以下流兮
 無舟楫而自備背法度而心治兮辟與此其無異寧

溘死而流亡兮恐禍殃之有再不畢辭以赴淵兮惜
靡君之不識騏驥王逸作駑馬載叶子賜反汎音汎泝音敷再叶子賜反識音志

舊詰轡馬韁銜馬勒也汎泝編竹木以渡水者既
無騏驥但乘駑馬又無轡銜與御者而但自乘載
既無舟航但乘汎泝又無舟人與維楫而但自備
禦其危亦甚矣禍殃有再恐不死則邦其淪喪而
辱為臣僕是也

右惜往日

陸時雍曰此篇專於諷君不勝憂危之感

后皇嘉樹橘徠服兮受命不遷生南國兮深固難徙
更壹志兮綠葉素榮紛其可喜兮曾枝剡棘圓果搏
兮青黃雜糝文章爛兮精色內白類任道兮紛緼宜
修姱而不醜兮徠古來字服叶蒲北反國音域喜叶居例反曾音層剡以冉反圓果一作
園實搏音團爛叶盧干反道叶徒苟反紛音墳緼音氤

舊詰漢書云江陵千樹橘正楚地受命不遷記所
謂橘踰淮而化為枳也曾重纍也剡利也精色外
色精明也紛緼盛貌

嗟爾幼志有以異兮獨立不遷豈不可喜兮深固難

徒廓其無求兮蘇世獨立橫而不流兮閉心自慎終
 不過失兮秉德無私參天地兮願歲并謝與長友兮
 淑離不淫梗其有理兮年歲雖少可師長兮行比伯
 夷置以為像兮蘇當作疎閉必結反友叶
 羊里反比音鼻像上聲
 舊詰此下申前意以明已志并謝猶永謝也離孤
 特梗強也伯夷叔齊孤竹君之子也兄弟遜國俱
 去首陽山下武王伐紂伯夷叔齊諫曰父死不葬
 爰及干戈可謂孝乎以臣弑君可謂忠乎左右欲
 殺之太公曰不可引而去之遂不食周粟而死

右橘誦

張煥如曰語
意清微

悲回風之搖蕙兮心冤結而內傷物有微而隕性兮
 聲有隱而先倡夫何彭咸之造思兮暨志介而不忘
 萬變其情豈可蓋兮孰虛偽之可長

陸時雍曰微物隕性風聲先倡物之感傷相因而
 起世之秋人心之憂憤皆若此矣風之聲聲物之
 形形孰無根而結響孰無實而造情無虛偽之可
 長故忠貞者之可核也

鳥獸鳴以號羣兮草苴比而不芳魚葺鱗以自別兮

蛟龍隱其文章故荼薺不同畝兮蘭茝幽而獨芳

子 苴

呂反比 音鼻

陸時雍曰生日草枯日苴荼苦菜薺甘菜也秋風一起萬物歛藏荼薺不同畝而同衰惟蘭茝幽而獨芳所云無虛偽之可長也

惟佳人之永都兮更統世以自貶眇遠志之所及兮
憐浮雲之相羊介眇志之所感兮竊賦詩之所明

更 平

聲貺 叶荒

陸時雍曰佳人原自謂也統世統承先世自貶自

襲其寵貺也浮雲無依中心徘徊托與之俱相羊

浮遊貌

惟佳人之獨懷兮折芳椒以自處曾歔歔之嗟嗟兮
獨隱伏而思慮涕泣交而淒淒兮思不眠以至曙終
長夜之曼曼兮掩此哀而不去寤從容以周流兮聊
逍遙以自恃傷太息之愍憐兮氣於邑而不可止

音 曾

增於音鳥邑鳥 合反又並如字

紕思心以為纒兮編愁苦以為膺折若木以蔽光兮
隨飄風之所仍存髣髴而不見兮心踴躍其若湯撫

珮。衽。以。案。志。兮。超。惘。惘。而。遂。行。

紕吉 酉反

陸時雍曰。紕。辰也。慙。光景之誠信。故折若木以蔽光。欲浮遊而不歸。故隨飄風之所仍也。存存。省存。髮鬢而不見。蓋有所思也。瑤。琚。珮。兮。璆。然而不鳴。蘭。茝。兮。而。暗。馨。柳。心。兮。而。私。自。憐。所謂撫珮衽而案志也。超。惘。惘。而。遂。行。復。激。昂。而。自。強。也。衽。裳。際也。

歲。習。習。其。若。頽。兮。昔。亦。冉冉。而。將。至。頰。衡。槁。而。節。離。兮。芳。已。歇。而。不。比。憐。思。心。之。不。可。懲。兮。證。此。言。之。不。

可。聊。寧。濫。死。而。流。亡。兮。不。忍。此。心。之。常。愁。孤。子。唵。而。枚。淚。兮。放。子。出。而。不。還。孰。能。思。而。不。隱。兮。昭。彭。咸。之。

所聞

習音忽 比音鼻 聊叶音雷 唵古吟字 枚音吻 還叶胡昆反

舊註時謂衰老之期也。節離。蓋草枯則節處斷落也。比合也。聊賴也。隱痛也。

登。石。巒。以。遠。望。兮。路。眇。眇。之。默。默。入。景。響。之。無。應。兮。聞。省。想。而。不。可。得。愁。鬱。鬱。之。無。快。兮。居。戚。戚。而。不。可。解。心。鞿。羈。而。不。開。兮。氣。繚。轉。而。自。締。穆。眇。眇。之。無。垠。兮。莽。芒。芒。之。無。儀。聲。有。隱。而。相。感。兮。物。有。純。而。不。可。

委律如白非
急讓悉磨者
不潦倒至此

為邈漫漫之不可量兮縹綿綿之不可紆
常悲兮翩冥冥之不可娛凌大波而流風兮託彭咸

之所居

景於境反葛洪始加多為影字解叶
居豈反締音弟縹匹妙反紆音迂

陸時雍曰入景響之無應其鬼徑耶聞省想而不
得抑何無人緒也聲隱相感最足撩愁而物之純
者則堅確而不可為也秋氣愈高孤衷愈凜豈因

蕭瑟之感摧折其抗厲之情乎此以終托彭咸之
所居也山小而銳曰巒繚紜戾也締結也儀象也

縹微細也紆縈也翩飛貌冥冥遠去也此皆言愁

緒之不可聊也流猶隨也

上高巖之峭岬兮處雌蜺之標顛據青冥而攄虹兮

遂儵忽而捫天吸湛露之浮涼兮漱凝霜之雰雰依

風穴以自息兮忽傾寤以嬋媛馮崑崙以激霧兮隱

岫山以清江憚涌湍之礚礚兮聽波聲之洶洶紛容

容之無經兮罔芒芒之無紀軋洋洋之無從兮馳委

移之焉止漂翻翻其上下兮翼遙遙其左右汜滴滴

其前後兮伴張弛之信期

蜺五訖反標匹小反儵音
叔捫音門湛丁感反雰音

分叶孚袁反馮皮冰反隱於靳反江音虹礚苦蓋反
洶音匈右叶羽已反滴音決伴與叛同期叶上聲

陸時雍曰無聊之極神鬼不居故遂為此飄忽蕩
 颺而上極至高下臨至潔也此卽遠遊所自作矣
 吸湛露之浮涼漱凝霜之雰雰此真不啻飲冰而
 無奈嬋媛其故宇也登崑崙以激霧隱峻山以清
 江河其快也憚涌湍之盪盪聽潮聲之洶洶無憂
 擊五衷之太苦乎其心緒旣已煩亂而張弛之度
 復不失期又何卓也湛厚貌風穴卽宋玉所謂土
 囊之口是也張華博物志風山之首方高三百里
 風穴如電突深三十里春風從此而出又荊州佷

山有穴口大數尺名風井夏則風出冬則風入出
 入之間吹拂左右常淨所謂風穴大都類此岷與
 岷同在蜀郡江水所出也容容紛亂貌遙遙當作
 搖搖此皆言此身之無所止也

觀炎氣之相仍兮窺煙液之所積悲霜雪之俱下兮
 聽潮水之相擊借光景以往來兮施黃棘之枉策求
 介子之所存兮見伯夷之放迹心調度而弗去兮刻
 著志之無適曰吾怨往昔之所冀兮悼來者之愁愁
 浮江淮而入海兮從子胥而自適望大河之洲渚兮

張煥知曰誑
然而止

悲申徒之抗迹驟諫君而不聽兮任重石之何益心
結結而不解兮思蹇產而不釋怨叶它
的反

舊詰煙液者炎氣成煙煙又凝而為液也光景神
光電景以棘為策既有芒刺而又枉曲則馬傷深
而行愈速調度二子之法度也怨怨憂貌往昔所
冀欲有為於當時來者怨怨將赴河而死也申徒
狄諫紂不聽負石自沉於河

右悲回風

楚辭卷二 終

楚辭卷三

古構李陸時雍疏

遠遊

陸時雍曰簡折
是草是斂脚

陸時雍敘曰憂嗜死樂樂生使西王母必以編
愁為膺則其趣不及殤子屈原之欲久視非其
質矣語云俟河之清人壽幾何使世有千歲人
安知堯舜不旦暮也哉其身可摧志不可殞至
有欲扶眼觀寇寄靈未瞑者於世何決絕也是
豈有惟蓀之慮也夫

悲時俗之迫阨兮願輕舉而遠遊質非薄而無因兮
 焉託乘而上浮遭沉濁而汙穢兮獨鬱結其誰語夜
 耿耿而不寐兮魂營營而至曙惟天地之無窮兮哀
 人生之長勤往者余弗及兮來者吾不聞

陸時雍曰此三五盛治之思也往者弗及來者弗
 聞則蘭茝之願孤所以欲久世無死以庶幾於一
 遇也神則翔於寥廓意則期於來茲則當前之不
 適蓋可知矣

步徙倚而遙思兮怊惝恍而永懷意荒忽而流蕩兮

心愁悽而增悲神儵忽而不反兮形枯槁而獨留內
 惟省以端操兮求正氣之所由漠虛靜以恬愉兮澹
 無為而自得聞赤松之清塵兮願承風乎遺則貴真
 人之休德兮美往世之登仙與化去而不見兮聲名
 著而日延奇傳說之託辰星兮羨韓衆之得一形穆
 穆以寢遠兮離人羣而遁逸

怊音超惝昌兩反恍
 于往反懷叶胡威反

陸時雍曰列仙傳赤松子神農時雨師服水玉教
 神農能入火自燒至崑崙山上西王母石室隨風
 雨上下炎帝少女追之亦得仙俱去莊子云傳說

得之以相武王。奄有天下。乘東維騎箕尾。而比於
 列星。今尾上有傳說星是也。辰星東方蒼龍之體。
 心尾箕之星。所謂天辰也。劉根初學道。到華山見
 一人乘白鹿。根稽首乞一言。神人曰。聞有韓眾否。
 我是也。

因氣變而遂。曾舉兮。忽神奔而鬼怪。時髣髴以遙見。
 兮。精皎皎以往來。超氛埃而淑郵兮。終不反其故都。
 免衆患而不懼兮。世莫知其所如。恐天時之代序兮。
 耀靈畢而西征。微霜降而下淪兮。悼芳草之先薶。聊

楚辭卷三
 遠遊

仿佯而逍遙兮。永歷年而無成。誰可與玩斯遺芳兮。
 長鄉風而舒情。高陽邈以遠兮。余將焉所程。
端今作零仿音

旁鄉一作向

陸時雍曰。鄉風舒情。知相接者。誰耶。亦聊以自寄耳。
 淑郵言善而尤絕也。

重曰。春秋忽其不淹兮。奚久畱此故居。軒轅不可攀。
 援兮。吾將從王喬而娛戲。餐六氣而飲沆瀣兮。漱正
 陽而含朝霞。保神明之清澄兮。精氣入而麤穢除。
直重

用友沆胡朗反瀼
 音械霞叶音胡

舊詁軒轅黃帝名王喬周靈王太子晉也好吹笙
 作鳳鳴遇浮丘公接之仙去六氣者陵陽子明經
 言春食朝霞日始欲出黃氣也秋食淪陰日沒以
 後赤黃氣也冬食沆瀣北方夜半氣也夏食正陽
 南方日中氣也并天地玄黃之氣為六氣

順凱風以從遊兮至南巢而壹息見王子而宿之兮
 審壹氣之和德曰道可受兮而不可傳其小無內兮
 其大無垠毋滑而魂兮彼將自然壹氣孔神兮於中
 夜存虛以待之兮無為之先庶類以成兮此德之門

垠叶魚堅反滑一作漚並音
 骨存叶才緣反門叶謨連反

聞至貴而遂徂兮忽乎吾將行仍羽人於丹丘兮留
 不死之舊鄉朝濯髮於湯谷兮夕晞余日於九陽吸
 飛泉之微液兮懷琬琰之華英玉色頰以晚顏兮精
 醇粹而始壯質銷鑠以汨約兮神要眇以淫放
湯音陽余目下於字一作兮琬音宛琰音剡英叶
 於姜反頰音茗普經二反晚音晚又音萬汨音縛
 陸時雍曰丹丘晝夜常明即丹山中有丹穴鳳鳥

所自出也湯谷上有扶木九日居下枝一日居上
 枝飛泉日入之氣也山海經稷澤多白玉是有玉

膏黃帝是食是饗所謂懷琬琰之華英類此莊子
藐姑射之山有神人焉綽約若女子綽約柔弱貌
頽斂容貌晚澤也

嘉南州之炎德兮麗桂樹之冬榮山蕭條而無獸兮
野寥漠其無人載營魄而登霞兮淹浮雲而上征命
天闔其開闔兮排闔闔而望予召豐隆使先導兮問
太微之所居集重陽入帝宮兮造旬始而觀清都朝
發軔於太儀兮夕始臨乎於微閭

宥與寂同霞古遐字借用

陸時雍曰太微宮垣十星在翼軫北重陽天氣清

陽之所也詩含神霧云地去天一億五萬里則一

億五萬里以上皆天氣矣故天有九重則重陽之

謂也天地交會之際日宸宸者帝之所居也太微

者帝庭清都者帝都也旬始星見北斗傍氣如雄

雞於微閭周禮東北曰幽州其山鎮曰醫無閭

屯余車之萬乘兮紛容與而並馳駕八龍之蜿蜿兮

載雲旗之透蛇建雄虹之采旄兮五色雜而炫燿服

偃蹇以低昂兮驂連蜷以驕驚騎膠葛以雜亂兮班

曼衍而方行撰余轡而正策兮吾將過乎句芒歷太

張煥如曰優游曼衍指顧自如真若按步隊而校班行者何其裕也

魯以右轉兮前飛廉以啓路陽杲杲其未光兮凌天
地以徑度風伯爲余先驅兮氛埃辟而清涼鳳凰翼
其承旂兮遇蓐收乎西皇擘彗星以爲旂兮舉斗柄
以爲麾叛陸離其上下兮遊驚霧之流波昔曖曖其
曠莽兮召玄武而奔屬後文昌使掌行兮選署衆神
以並轂路曼曼其修遠兮徐弭節而高厲左雨師使
徑待兮右雷公而爲衛

即旌字致音泮波叶補基反曖烏感反曖徒
感反黨音黨莽莫郎反屬音濁曼莫干反
陸時雍曰容與從容貌透蛇宛轉貌儼蹇恣睢貌

連蜷屈曲貌服衡下夾轅兩馬驂衡外挽軻兩馬

膠葛雜亂貌曼衍泮渙貌句芒木神月令東方甲

乙其帝太皞其神句芒太皓即太皞庖羲氏也西

方庚辛其帝少皞其神蓐收西皇即少昊也斗柄

杓也麾旗屬曖曖昏暗貌曠日不明也玄武北方

七宿龜蛇也位在北方故曰玄身有鱗甲故曰武

也文昌在紫微宮北斗魁前六星如匡形屬憑陵

之意

欲度世以忘歸兮意恣睢以担橋內欣欣而自美兮

張煥知曰此
當與西王母
宴穆天子于
瑤池畫出寶
器者並為一
觀鈞天之樂
不屬人間矣

聊。媮。娛。以。淫。樂。涉。青。雲。以。汎。濫。游。兮。忽。臨。睨。夫。舊。鄉。
僕。夫。懷。余。心。悲。兮。邊。馬。顧。而。不。行。思。故。鄉。以。想。像。兮。
長。太。息。而。掩。涕。汎。容。與。而。遐。舉。兮。聊。抑。志。而。自。弭。指。
炎。帝。而。直。馳。兮。吾。將。往。乎。南。疑。覽。方。外。之。荒。忽。兮。沛。
潤。漑。而。自。浮。祝。融。戒。而。蹕。御。兮。騰。告。鸞。鳥。迎。處。妃。張。
咸。池。奏。承。雲。兮。二。女。御。九。韶。歌。使。湘。靈。鼓。瑟。兮。令。海。
若。舞。憑。夷。玄。螭。蟲。象。並。出。進。兮。形。繆。虬。而。透。蛇。雌。蜺。
便。娟。呂。增。撓。兮。鸞。鳥。軒。翥。而。翔。飛。音。樂。博。衍。無。終。極。
兮。焉。乃。逝。以。徘徊。
担音桀橋音矯樂叶五教反汎汎
同浮叶扶毗反歌叶居支切螭丑

知反繆於九反虬巨九反蜺五結
反便昆連反娟於緣反撓而照反

陸時雍曰邊馬謂兩驂也南方丙丁其帝炎帝其
神祝融潤漑謂元氣鴻濛也蹕止行人也御侍也
黃帝命大容作咸池之樂是為雲門大卷著之控
楬以道其和中春之月乙卯之辰日在奎奏之命
曰咸池堯修用之世遂謂堯樂控即祝楬即啟也
顓頊命飛龍氏會八風之音為圭水之曲浮金効
珍於是鑄之為鐘作五基六英之樂名曰承雲二
女娥皇女英也馮夷華陰潼鄉人得仙道為河伯

恒乘雲車駕二龍儵忽萬里繆虬屈曲貌便娟長
翊貌撓曲也翫舉也

舒并節以馳騫兮。遠絕垠乎寒門。軼迅風於清源兮。
從顓頊乎層冰。歷玄冥以邪徑兮。乘間維以反顧。召
黔羸而見之兮。為余先乎平路。經營四方兮。周流六
漠。上至列缺兮。降望大壑。下崢嶸而無地兮。上寥廓
而無天。視儵忽而無見兮。聽悄悄而無聞。超無為以
至清兮。與泰初而為鄰。

樂歌作幕崢鋤耕反
嶸音宏聞叶無巾反

遠勅角反門叶彌巾反軼音
逸黔其炎反羸倫為反漠漢

陸時雍曰九陰之地為寒門五寒所自出也北方
其帝顓頊其神玄冥間維者天有六間地有四維
也淮南子東北為報德之維西南為背陽之維東
南為常羊之維西北為號通之維黔羸造化神名
列缺電隙也謂之天門大壑山海經東海之外大
壑少昊孺顓頊於此棄其琴瑟又淮南子南游罔
良之野北息沉墨之鄉西窮窅冥之黨東開鴻濛
之先此其下無地而上無天聽焉無聞視焉無矚
此其外猶有汰沃之汎正為此注

大
關

卷
三

